



Na osnovu odluke Upravnog vijeća Centralne banke Bosne i Hercegovine, UV 122-02-1-1934-9/23 od 11. decembra 2023. godine, a u skladu s članom 17. Pravilnika o uslovima i postupku prodaje stalnih sredstava Centralne banke Bosne i Hercegovine, broj: 101-01-2-1238/11 od 01. aprila 2011. godine, i Pravilnikom o izmjenama i dopunama Pravilnika o uslovima i postupku prodaje stalnih sredstava Centralne banke Bosne i Hercegovine, broj: 122-17-2-1006-10/21 od 19. maja 2021. godine, i Pravilnikom o dopuni Pravilnika o uslovima i postupku prodaje stalnih sredstava Centralne banke Bosne i Hercegovine, broj: 122-02-4-1314-10/23 od 24. augusta 2023. godine, Centralna banka Bosne i Hercegovine objavljuje:

JAVNI POZIV
za prodaju korištenih terenskih vozila putem otvorenog
postupka s javnim pozivom za prikupljanje zatvorenih ponuda

I

Predmet Javnog poziva – licitacije je prodaja, prikupljanjem zatvorenih pisanih ponuda, korištenih terenskih vozila:

1. **NISSAN PATHFINDER SE 2,5 4WD**, registarskih oznaka: **J78-M-477**; broj šasije: **VSKJVR51U0513967**; broj motora: **YD25823891B**; godina proizvodnje: **2013**; boja: crna; pređenih kilometara: cca. **186.433 km**; u ispravnom stanju. Početna cijena: **16.710,56 KM** (slovima: šesnaest hiljad sedam stotina deset i 56/100 konvertibilnih maraka);
2. **NISSAN PATHFINDER SE 2,5 4WD**, registarskih oznaka: **J78-M-476**; broj šasije: **VSKJVR51U0513225**; broj motora: **YD25822469B**; godina proizvodnje: **2013**; boja: crna; pređenih kilometara: cca. **198.400 km**; u ispravnom stanju. Početna cijena: **15.229,02 KM** (slovima: petnaest hiljad dvjesto i dvadeset devet i 02/100 konvertibilnih maraka).

II

Terenska vozila prodaju se po principu „viđeno-kupljeno“ (**u ispravnom stanju**), bez prava na naknadnu reklamaciju. Ponude ispod navedenih početnih cijena neće se razmatrati i Centralna banka Bosne i Hercegovine (u daljnjem tekstu: Centralna banka) može obustaviti postupak licitacije ukoliko ne bude postignuta početna cijena za vozila. Terenska vozila koja su predmet ove licitacije mogu se pogledati na lokaciji Centralne banke Bosne i Hercegovine u ulici **Mehmeda Spahe broj 3**, poštanski broj **71000, Sarajevo**, dana **18. 01. 2024. godine**, u periodu



od 10.00 do 12.00 sati.

III

Pravo učešća u licitaciji imaju sva pravna i punoljetna fizička lica, koja se u skladu s ovim pozivom prijave za učešće u licitaciji i na račun Centralne banke, broj: 0000020000000097, uplate depozit u iznosu od 10% od početne cijene za stalna sredstva – **terenska vozila**:

1. NISSAN PATHFINDER SE 2,5 4WD, registarskih oznaka J78-M-477:

1.671,06 KM

(hiljadušeststotinasedamdesetjedan i 06/100);

2. NISSAN PATHFINDER SE 2,5 4WD, registarskih oznaka J78-M-476:

1.522,90 KM

(hiljadupetstotinadvadesetdva i 90/100).

Pravo učešća u postupku licitacije nemaju članovi komisije za provođenje postupka.

Prilikom uplate, kao primaoca je potrebno naznačiti „Centralna banka Bosne i Hercegovine – Centralni ured“, a kao svrhu uplate navesti „uplata za licitaciju (navesti naziv stalnog sredstva za koje se vrši prodaja)“.

Izvršenom uplatom depozita i podnošenjem prijave/ponude za licitaciju, učesnici licitacije prihvataju uslove licitacije iz ovog oglasa.

Učesnicima licitacije čija ponuđena cijena ne bude najpovoljnija, odnosno najveća, uplaćeni iznos depozita bit će vraćen u roku od 7 (sedam) radnih dana od dana javnog otvaranja ponuda na broj žiro/tekućeg računa navedenog u prijavi za licitaciju. Učesniku licitacije koji bude ponudio najveću cijenu i čija ponuda bude prihvaćena kao najbolja, uplaćeni depozit bit će uračunat u ponuđenu cijenu stalnog sredstva, odnosno u vrijednost ugovora o prodaji, a ukoliko odustane od zaključenja ugovora, depozit se ne vraća. Podnosilac prijave ne stiče svojstvo učesnika licitacije kad Centralna banka utvrdi da do datuma određenog za javno otvaranje ponuda nije evidentiran priliv sredstava po osnovu uplate depozita, na žiroračun Centralne banke naveden u oglasu licitacije.

IV

Ponuda za licitaciju mora sadržavati:

a) za ponuđača:

- Pravno lice: odgovarajući dokaz o statusu i registraciji pravnog lica – ovjerenu fotokopiju rješenja/izvoda o upisu u sudski registar, odnosno rješenja o obavljanju djelatnosti čija ovjera nije starija od tri mjeseca od posljednjeg dana za dostavljanje ponuda za licitaciju, JIB/ID, odnosno identifikacioni broj u sistemu PDV-a, ime i prezime lica ovlaštenog za zastupanje, njegov potpis i pečat pravnog lica, s naznakom mjesta i datuma ponude, za punomoćnika odgovarajuću punomoć, datu na zakonom propisan način, broj žiroračuna pravnog lica.
 - Fizičko lice: ime i prezime i JMB fizičkog lica, adresu stanovanja/prebivališta i broj kontakt-telefona, ovjerenu fotokopiju lične karte (prva i druga strana) ili pasoša, broj tekućeg/žiroračuna, naznaku da podnosi ponudu u svoje ime i za svoj račun, za punomoćnika, odgovarajuću punomoć, datu na zakonom propisan način;
- b) jasno naznačen fiksni iznos ponuđene cijene za stalno sredstvo koje je predmet licitacije, izražen u konvertibilnim markama i ispisan arapskim brojevima, a u zagradi slovima;
- c) dokaz o uplati depozita (fotokopija platnog naloga za pravna lica, odnosno fotokopija naloga za izvršeno plaćanje, tzv. peti primjerak – za fizička lica);
- d) izjavu o kupovini stalnog sredstva u zatečenom stanju po načelu „viđeno-kupljeno“ (bez prava na reklamacije za njegovu ispravnost);
- e) druge elemente tražene javnim pozivom za licitaciju.

Sva prateća dokumentacija koja se dostavlja uz ponudu mora biti dostavljena u originalu ili fotokopiji ovjerenoj od strane nadležnog organa.

Sve blagovremene prijave na licitaciju koje ne budu ispunjavale uslove iz ove tačke bit će odbačene kao nepotpune i neće se razmatrati. Jedan ponuđač može podnijeti samo jednu prijavu na licitaciju i ponudu.

Ponuđač snosi sve troškove u vezi s pripremom i dostavljanjem svoje ponude na Javni poziv za licitaciju za prodaju stalnih sredstava Centralne banke.

Centralna banka nije odgovorna, niti dužna snositi bilo kakve troškove koje ima ponuđač po osnovu svog učešća u licitaciji. Ponuda i svi dokumenti u vezi s ponudom i prepiska između ponuđača i Centralne banke moraju biti napisani na jednom od jezika u službenoj upotrebi u Bosni i Hercegovini.

V

Prijava za licitaciju dostavlja se u jednom originalnom primjerku u zatvorenoj koverti s naznakama: „NE OTVARAJ“ „PONUDA ZA LICITACIJU STALNOG SREDSTVA – **Terenskog vozila: 1. NISSAN PATHFINDER SE 2,5 4WD, registarskih oznaka J78-M-477** i/ili **Terenskog vozila: 2. NISSAN PATHFINDER SE 2,5 4WD, registarskih oznaka J78-M-476**“. Na koverti u lijevom gornjem uglu moraju biti naznačeni osnovni podaci o podnosiocu

prijave (naziv pravnog lica, odnosno ime i prezime fizičkog lica, adresa i kontakt-telefon). Prijave na licitaciju dostavljaju se putem pošte na adresu Centralne banke:

Centralna banka Bosne i Hercegovine

Maršala Tita 25

71000 Sarajevo

ili lično na protokol Centralne banke Bosne i Hercegovine.

U razmatranje se uzimaju samo kovertе/prijave na licitaciju predate lično na protokol ili poslane preporučeno poštom, na adresu iz ove tačke, koje su pristigle **do 23. 01. 2024. godine do 10.00 sati** po lokalnom vremenu. Sve kovertе/prijave na licitaciju koje pristignu poslije naznačenog roka i koje ne budu dostavljene na gore opisani način, neće se uzeti u razmatranje i podnosiocima će biti vraćene neotvorene.

Ponuđač može prije isteka roka za dostavljanje ponude na Javni poziv za licitaciju svoju ponudu izmijeniti ili dopuniti u pisanoj formi, pod uslovom da je izmijenjena ili dopunjena ponuda dostavljena na isti način kao i prvobitna ponuda. Na koverti u kojoj se nalazi izjava ponuđača pišu se sljedeće riječi: „IZMJENA PONUDE“ ili „DOPUNA PONUDE ZA LICITACIJU STALNOG SREDSTVA – **Terenskog vozila: 1. NISSAN PATHFINDER SE 2,5 4WD, registarskih oznaka J78-M-477 i/ili Terenskog vozila: 2. NISSAN PATHFINDER SE 2,5 4WD, registarskih oznaka J78-M-476 – NE OTVARAJ**“.

VI

Javno otvaranje ponuda će se održati **dana 23. 01. 2024. godine** u prostorijama Centralnog ureda Centralne banke, Mehmeda Spahe 3, 71000 Sarajevo, s početkom u **11.00 sati**. O postupku javnog otvaranja ponuda vodit će se zapisnik koji, po završetku postupka, potpisuju članovi nadležne komisije i prisutni predstavnici ponuđača. Javnom otvaranju ponuda mogu prisustvovati svi ponuđači koji su podnijeli prijavu na licitaciju i uplatili odgovarajući iznos depozita. Fizička ili pravna lica mogu biti predstavljena lično, po zakonskom zastupniku ili punomoćniku, a prije početka postupka licitacije dužni su, radi dokazivanja identiteta, predložiti ličnu kartu, a u slučaju zastupništva/punomoći – ovlaštenje, odnosno punomoć za zastupanje ovjereno/ovjerenu kod nadležnog organa.

Učesnik na licitaciji koji ponudi najvišu cijenu proglašava se kupcem. Ukoliko dva ili više učesnika na licitaciji ponude istu najvišu cijenu, odmah će se izvršiti dodatno licitiranje putem pisanih ponuda do dobijanja iznosa najviše ponude. Ukoliko kupac ne uplati prodajnu cijenu u skladu s ovim oglasom, Centralna banka može pozvati drugorangiranog ponuđača na licitaciji da stupi na mjesto kupca i uplati iznos prema ponudi koju je istakao na licitaciji, a može i proglasiti postupak licitacije neuspjelim.

Kupac snosi sve troškove vezane za preuzimanje stalnog sredstva koje je kupio licitacijom (troškovi provjere, deinstalacije, pakovanja, transporta, promjene vlasništva, porezi, naknade i sl.).

VII

Centralna banka će najkasnije u roku od 90 (devedeset) dana od dana održavanja javnog otvaranja ponuda donijeti odluku o ishodu licitacije i, u slučaju uspješne licitacije, pozvati najpovoljnijeg ponuđača na potpisivanje ugovora o prodaji. Najpovoljniji ponuđač dužan je da u roku od 15 (petnaest) dana od dana prijema ovog poziva uplati razliku novca do iznosa ponuđene cijene i zaključi ugovor o prodaji s Centralnom bankom. Primopredaja, odnosno preuzimanje stalnog sredstva iz tačke I će se vršiti po uplati kompletnog iznosa ponuđene cijene i zaključenju ugovora, a kupac ga je dužan preuzeti u roku od 5 (pet) kalendarskih dana od dana uplate cjelokupnog iznosa prodajne cijene i zaključenja ugovora o prodaji. Kupac snosi sve troškove vezane za predmet prodaje (preuzimanje, promjena vlasništva, porezi, naknade i sl.).

VIII

Sve informacije vezane za licitaciju mogu se dobiti od kontakt-osobe (Refik Ramić), na broj telefona 033/278-381, broj mobitela 061/106-623 ili *e-mail* refik.ramic@cbbh.ba.

IX

Obavještenje o Javnom pozivu objavljeno je u dnevnim listovima „Nezavisne novine“ i „Oslobođenje“ i s detaljima za učešće na *web*-stranici Centralne banke: www.cbbh.ba.

U Sarajevu, 16. januara 2024. godine